



Tuhaqtitauyuqhaq

Qilamik Tuhaqtitauyuqhaq

Niruaqtauyuqhanik Armaumaliqtut Kamisinap Hunaliurnikkut Aittuutaatigut

Iqaluit, Nunavut (Iidjirurvia 14, 2024) – Nan'ngariyauyuq Eva Aariak, Kamisina Nunavunmun ublumi tuhaqtitiyuq angmaqtirutaa niruarutinin haffumunga 2023 Nunavunmi Kamisina Hanauyangnikkut Aituutainik nan'ngarilugit hanauyagiktunun Nunavunmi.

“Nunavut Kamisinap Hunaliurnikkut Aittuutaa pidjutivaktuq uvamnut ilitaqhimanikkut hunaliuqpaktunik Nunavunmi ikayuqpaqhutik maniliurnikkut hunaliuqpaktaitigut ilitariyauplutiklu nunaquyuptingnit avaliqangitunik ilitquhivut, uqauhiq pitquhivutlu”, uqaqtuq Kamisina Aariak. “Quvianaqtuq ilitagiyaangat Inuit hunaliuqtiuyunik uqaqtainik, nangadjutikharnik hunaliuqtiuyunik taima tuhaqtitivakhimayut tautuktuuyaarutikharnik nunaquyuptingnilu tautukhimayainik talvuuna hunaliurnikkut. Hunaliuqpaktaptigut tautungnaktut in'ngilraangnitat in'ngilrutit, aannuraat hunanitlu ubluq tamaat inuuhikkut piliuqpaktaptigut”.

Aittuuta, maningmik taqhiyauyuqhaq \$10,000 taala, ukiuq tamaat pidjutaувaktuq hunaliuyuqtumut Nunavunmi tunihiplunilu an'ngiyuamik hunaliurnikkut havaagiplugulu. Hunaliuyuqtuq imaa takudjutivaktuq inmi takunnaktunik hunaliuqhimayunik, numirnirmun naalaqtuqhanik qanuqlu titirangnirmun taiguangnirmunluunniit.

Tamaita niruaqtauyut ihivriuhungnguyait tikkuqaqtauyunik katimayalaamut ihumaliuqtainniklu tunihilutik Kamisinamut Nunavunmut. Ilauyut tikkuqaqtauyut katimayalaamut pidjutiyaunguyut tahapkunanit hunaliurnirmun piviinnit Nunavunmi naunaiyautigilugitlu ilitaqhimanikkut ayunggitamingnik havakpaqhimayutlu hunaliurnikkut pitquhikkutlu.

Uuktuqtut aittuutimut ihumaliugutauniaqtut inmi qanuq ikayuqpaktut hunaliurnirmun, qanurinmaanggaagit havauhiitlu ikayurnirmunlu qun'ngiaqhugit pilihaaliqtut hunaliurnirmun Inuit atahiaqhutik taqhivaktunut.

